

KANTONALNI ZAVOD ZA MEDICINU RADA I SPORTSKU MEDICINU  
ZENICA

Broj: 5032 /21  
Zenica, 14 .7.2021. godine

Na osnovu člana 70. Zakona o javnim nabavkama („Službeni glasnik BiH“, broj: 39/14) i člana 36. Statuta Kantonalnog zavoda za medicinu rada i sportsku medicinu, direktor Kantonalnog zavoda za medicinu rada i sportsku medicinu na prijedlog Komisije, d o n o s i

**O D L U K U**  
**O IZBORU NAJPOVOLJNIJE PONUDE I DODJELI UGOVORA**

**I**

Za najpovoljniju ponudu u postupku javne nabavke (otvoreni postupak) ultrazvučnog aparata sa kardiološkom i abdominalnom sondom, koji je pokrenut Odlukom Upravnog odbora broj: 3678/21 od 28.5.2021. godine, a za koji je objavljeno Obavještenje o nabavci broj: 996-1-1-169-3-19/21 dana 02.6.2021. godine na portalu javnih nabavki i u "Službenom glasniku BiH" broj: 34/21 od 04.6.2021. godine (S1-10361-21), izabran je sljedeći ponuđač:

**„MEDICAL“ d.o.o. Mostar**

**II**

Po okončanju roka za prigovor-žalbu, ugovorni organ će sa izabranim ponuđačem iz tačke I ove odluke zaključiti ugovor, kojim će regulisati međusobna prava i obaveze u vezi sa predmetnom nabavkom, shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

**III**

Ova odluka stupa na snagu danom donošenja.

**O b r a z l o ž e n j e**

Komisija za provođenje imenovana rješenjem direktora broj: 4425/21 od 05.7.2021., izvršila je dana 05.7.2021. godine sa početkom u 13,00 sati, javno otvaranje **blagovremeno** pristiglih ponuda i utvrdila su pristigle ukupno 2 (dvije) ponude i to :

1. **„SIEMENS MEDICINA“ d.o.o. Sarajevo**  
Adresa: Zmaja od Bosne 7, 71 000 Sarajevo  
cijena ponude bez PDV-a 67.990,00 KM
2. **„MEDICAL“ d.o.o. Mostar**  
Adresa: Maršala Tita 237, 88 000 Mostar  
cijena ponude bez PDV-a 68.000,00 KM

Analizom ponude ponuđača "Siemens Medicina" d.o.o. Sarajevo, Komisija je utvrdila da se tehničke karakteristike koje je ponuđač naveo u ponudi ne slažu sa dostavljenim katalogom, odnosno da tehničke karakteristike ponuđenog aparata ne odgovaraju zahtjevima Ugovornog organa koji su navedeni u Aneksu I Tenderske dokumentacije broj: 3799/21 i to u pogledu sljedećih stavki:

1. Tačkom 13. tehničke specifikacije su propisane minimalne tehničke karakteristike aparata, i to: "Opseg prodora sonde min od 1cm do 33 cm".
  - Uvidom u ponuđene tehničke karakteristike i specifikaciju aparata (katalog) konstatovano je da maksimalan prikaz dubine iznosi 30cm
2. Tačkom 21.4. tehničke specifikacije su propisane minimalne tehničke karakteristike aparata i to: "Uređaj podržava sljedeće sonde: TEE – transezofagijalne (pedijatrijska i za odrasle)".
  - Uvidom u ponuđene tehničke karakteristike i specifikaciju aparata (katalog) nije pronađen navedeni podatak, odnosno isti nije jasno i nedvosmisleno označen

3. Tačkom 22.8. tehničke specifikacije su propisane minimalne tehničke karakteristike aparata, i to: "Modovi rada: Mogućnost metode prikaza protoka u sivoj skali B-mod tehnologijom (ne dopler tehnologijom) koja se bazira na refleksiji krvnih zrnaca".
  - Ponudač je u koloni da/ne Aneksa 1 – Tehnička specifikacija u kojoj se ponudač treba izjasniti opciono samo sa "da" ili "ne" u smislu da li ponuđeni aparat ispunjava minimalne tehničke karakteristike, naveo obje opcije "da/ne", što za Ugovorni organ nije prihvatljivo, te je Ugovorni organ dodatno izvršio uvid i u ponuđene tehničke karakteristike i specifikaciju aparata (katalog), ali nije pronađen navedeni podatak, odnosno isti nije jasno i nedvosmisleno označen
4. Tačkom 27.1. tehničke specifikacije su propisane minimalne tehničke karakteristike aparata, i to: "Sonde: Sektorska kardiološka sonda, stav 2 - ugao sektorskog prikaza min. 120°".
  - Uvidom u ponuđene tehničke karakteristike i specifikaciju aparata (katalog) konstatovano je da maksimalno polje pregleda iznosi 90°
5. Tačkom 27.2. tehničke specifikacije su propisane minimalne tehničke karakteristike aparata, i to: "Sonde: Konveksna abdominalna sonda, stav 3 – dubina prikaza min. 33cm".
  - Uvidom u ponuđene tehničke karakteristike i specifikaciju aparata (katalog) konstatovano je da maksimalan prikaz dubine iznosi 30cm
6. Tačkom 30. tehničke specifikacije su propisane minimalne tehničke karakteristike aparata, i to: "Dinamički raspon min. 413 dB".
  - Ponudač je u koloni da/ne Aneksa 1 – Tehnička specifikacija u kojoj se ponudač treba izjasniti opciono samo sa "da" ili "ne" u smislu da li ponuđeni aparat ispunjava minimalne tehničke karakteristike, naveo obje opcije "da/ne", što za Ugovorni organ nije prihvatljivo, te je Ugovorni organ dodatno izvršio uvid i u ponuđene tehničke karakteristike i specifikaciju aparata (katalog) i konstatovao da ukupni dinamički raspon sistema iznosi >329 dB
7. Tačkom 31. tehničke specifikacije su propisane minimalne tehničke karakteristike aparata, i to: "Slikovni prikaz krvotoka, kombinira dopler u boji sa slikanjem svih pjegavih tonova".
  - Ponudač je u koloni da/ne Aneksa 1 – Tehnička specifikacija u kojoj se ponudač treba izjasniti opciono samo sa "da" ili "ne" u smislu da li ponuđeni aparat ispunjava minimalne tehničke karakteristike, naveo obje opcije "da/ne", što za Ugovorni organ nije prihvatljivo, te je Ugovorni organ dodatno izvršio uvid i u ponuđene tehničke karakteristike i specifikaciju aparata (katalog), ali nije pronađen navedeni podatak, odnosno isti nije jasno i nedvosmisleno označen.

Na osnovu naprijed navedenog Komisija je konstatovala da ponuđeni aparat ne zadovoljava potrebe Ugovornog organa, te predložila direktoru da se ponuda ponudača "Siemens Medicina" d.o.o. Sarajevo odbaci u skladu sa odredbama člana 68. stav (4) tačka i) Zakona o javnim nabavkama BiH jer ponuda nije potpuna i ne ispunjava zahtjeve iz tenderske dokumentacije.

Analizom ponude ponudača "Medical" d.o.o. Mostar i uvidom u tehničke karakteristike ponuđenog aparata Komisija je utvrdila da je ponuda zadovoljila zahtjeve Ugovornog organa, odnosno pregledom kataloga, utvrđeno je da se tehničke karakteristike koje je ponudač naveo u ponudi slažu sa dostavljenim katalogom te da ponuđeni aparat zadovoljava potrebe Ugovornog organa u skladu sa postavljenim zahtjevima u tenderskoj dokumentaciji, u tehničkom i ekonomskom smislu, te je i ocijenjena kao formalno pravno ispravna ponuda.

Nadalje, tenderskom dokumentacijom broj: 3799/21 predviđeno je provođenje e-aukcije u predmetnom postupku. Obzirom da je ocijenjeno da nisu ispunjeni uslovi za provođenje e-aukcije, ista se neće obaviti.

Shodno navedenom, Komisija je jednoglasno dala prijedlog Ugovornom organu da se ugovor dodjeli ponudaču "Medical" d.o.o. Mostar, kao jedinom ponudaču koji je dostavio formalno pravno ispravnu, potpunu i prihvatljivu ponudu, sa ponuđenom cijenom od 68.000,00 KM bez PDV-a.

Shodno navedenom, odlučeno je kao u dispozitivu ove Odluke.

**Pravna pouka:** Svaki ponudač koji smatra da je Ugovorni organ ovom Odlukom prekršio jednu ili više odredbi Zakona o javnim nabavkama BiH, ima pravo da podnese žalbu Ugovornom organu, u roku od 10 (deset) dana od dana prijema odluke.

Dostavljeno:  
2 x Ponudači  
1 x Komisiji za javne nabavke  
1 x a/a

\_\_\_\_\_  
Direktor

Muir dr Karić, specijalista medicine rada -  
klinički toksikolog



*[Handwritten signature in blue ink]*

*[Handwritten initials 'SK' in blue ink]*